捣藻堂四庫全書

音薈

要

史部

欽定四庫全書舊要卷六千五百五十史部 俁 尉臨 列傳第五十八 元史卷一 百七十一 侯生東善金貞祐中南徙其弟國寶登興定進士第 因字夢吉保定容城人世為儒家五世祖琮生敦武 足口車全書 天 劉 明翰林學士亞中大夫知制語兼修國史宋濂等修 洮府録事判官助助生奉議大夫中山府録事 因

筆驚人甫弱冠才器超邁日閱方冊思得如古人者友 之夕述夢神人馬載一兒至其家曰善養之既覺而生 未有子漢曰天果使我無子則已有子必令讀書因生 終奉直大夫極密院經歷東善生述述因之父也歲 三部尚書劉肅宣撫真定辟武邑令以疾 辰述始北歸刻意問學逐性理之說好長嘯中統初 名曰翮字夢驥後改令名及字因天資絕人三歲識 日記千百言過目即成誦六歲能詩七歲能屬文落 解歸年四

舍 精義 微 生皆不能 正 也 希聖 周 未葬 曰我 也 至精 其高見遠識率 殆 不茍合不妄交 ,投書先, 解 固謂當有是也 不 也程至 及 止 國子司業硯彌 此 初 友, 為 及 正也 翰 得 經學究 接 類 周 林 及 朱子 程 待 此 家 堅教 評 張 訓 因蚤喪父事 雖 制 極 其學之所長而曰邵至 邵 詁 甚貧 楊 疏 授真定因從之游 恕 朱呂之書一見能 其大盡其精 釋之説 憐 非 其義一介 而 助之 継 母孝有父 甄嘆曰聖 而貫之 綏

欽

定四庫全書

美一百七十

學宮中命費善王恂 元十九年 居 賢學士嘉議大夫徴因以疾固解且上書宰相 身之語 母疾 見不知者或以為傲弗 教 公卿過保定者眾聞 授師道尊嚴弟子造其門者隨材器教之皆有 表所居日静修博果密以因學行為于朝 解歸 有 詔 徴因擢承德郎右赞善大夫初 明年丁内製二十八年詔 教近侍子弟怕卒乃命因繼之未 因 恤也當受諸葛孔明 名 往 往來謁因多遜避不 復遣使者以 裕 皇建 静 日 至 因

皆君 易勿 Ξ 并 亦 而 至 莊 上之 得 必 安 各 自 因 周 賜 有 調 居 A 也是 而 見之甚 閶 尺 肵 以 寸之 大人君 自 暇 謂 偃 食 劾 蹇 以 無 力 馬 明 不 所 儿 以 遂 子 找 如 出 以 逃 此 其 之 報 于 貪高尚 有 いく 理 餘 生之民 生 勢 日 國家養育生 天 聚 地之 用 論 之 之樂 必 近 雖 之 問 然豆萬 或 事言之凡 他 名 者是 者 給 以 一成之 腁 自 也 力 誰 古 得 役 嫍 因 而 或 Z 吾人 徳 生四十 力 舀 出 而 不 可 知

Þ.

'n

5

元史

一立心自幼及長未當一日敢為崖岸卓絕甚高難 有高人隱士之目惟 行平昔交友尚有一日之雅者皆知因之此心也但 得之傳聞不求其實止于 留竟遭憂制遂不復出初豈有意于不仕 學亦即時應命後以老母中風請還家省視 先儲皇以對善之命來 知遇之恩而得罪于聖門中庸之教也哉且因 閣下亦 蹤 召 知 跡之近 因之未當以此 ep 與使者俱行再奉 似者觀之是以 邪今聖 自 居 継

崇 罪 因素 秋 Ż 後 因 用賢良一新 紀 地 (雖平復 有赢 平昔 日瘧 不 那 綱之僕 已至 是 疾 疾 以 非 然精 復 自 恐一旦身 形 隱 去 作 月 留意 時 晦 年喪子憂患之餘 神 初 至七月初二日蒸 者 政 氣 往命與心違 雖 偶 邪 血已非舊矣不意今歲 前 起一念 况 朝 加 隱 露必至累人遂遣 いく 自 晦 不 歎 病 次之龍處之以 之人亦 旁 發 繼 臥空蘇惶 以店 無 循 期 將 積 瘧 功 腹 Б 珙 歴 腷 月 親 仕

日

而

定

四庫全書

えつ ヨヒト

一待盡遣人之 留使者 所 不 徐 先人墓 术 扶 而 思之竊 安 病 日使 13 候 而 क्र 請 者 際 病勢稍退與之俱 侧 蹤 拜 因又處若 修營一 使者先 持恩命至因初 謂 未免感傷 跡高峻已不 供 職 含倘 行 雖 稍 未能 由是 仍 病 近于人情 涉 令學生季道 遲疑 勢不退當 聞 病 行遷延至今 扶 勢益 之惶 病 則 而 兵是 行 怖 增 不 而思 無地 飲 居 恒 惟 納 臣子之 處 食 服 以 命 瘀 即 不 極 則 減 知 百 H 拜 至 肵 不

酘

有

由 夏 全 ŗ 之勇 之亦 因實疎遠微 翰 四月 玄當赞因畫像 難處之事惟 È Ð 待病 林學士資善大夫護 車全書 而 日古 十有六日卒年四十五無子 退自 無 有 3E ख् 、贱之臣 鄙 備 所 閣 謂 氣 鼓 日 下 瑟之 微 始 力 不 與 點 終成 以 召 之臣 軍追 行 之 帷 狂 就 堂 幄 裕皇之 封容城 之書上朝 其 而 諸 閣 公公 有 斯 下 沂 間 人之 俯 不 仁 上風雾之樂 郡 者 同 加 徒 公益 嗟 廷 而 其 矜 見 不 悼 歟 進 憫 ヘ三、 與退 不 强 文 曲 可 祐 致 為 帝 保

知言因所著 凰 自選又有文集十餘 成 固宇内之不常 四 後為 則其志 吳 録 啙 惟易繋解説乃因病中親筆云 溢 バス 世 往 聖 有四書精 不欲遗世而 祖之略而遇 繼 絕學為來世開 有也 紙 卷 要三十卷詩五 而一鳴 獨 不能致之兩生烏子麒 及 往 小學四書 也 太平 而六 明 矣 者 語 卷 典 亦 號 作一 邪 録 將 論 皆門 從 丁亥 者 出 周 集 以 雨 公 為 表 凶 3L

鄉 澄字幼 清 間 望氣 撫 州崇仁人高祖 者 徐覺言其地當出 曄 初 居 異人登生前 成口里當華 舍

旁池中旦以 口成 父老見異氣降 誦 五歲日受千餘言夜讀書至旦母憂其過勤 告于 人而 其家 澄 生三歲 隣 媪 復夢有物 頛 悟 日發教之古 蜿蜒 降其

節膏火不多與 溢 候 毋寢 燃火 復 誦 習九歲 從 奉子

隨

鄉 校 每中前 列 既長于 經 傳皆通之知 用 力

試

學嘗舉進士不中至元十三年民

初

附

盗

賊

所

聖賢

E

日華全書

4

弟

國 身 數 子 興 與義 十言 左丞董士選延之于家 監 至京 係 鄭 按 忽 禮 以資學者朝 松 行 師 歎 招 司 及 大 省 未 經 澄 曰 椽 與 幾 居 歴 1), 戴 布 吳 以 元 郝 水 毋老 明善以 記 文迎 先 廷 命 生言 侍 谷乃著孝 至 有 辭 御 文學 史 親 郡 司 歸 如 學 Pp 程 軌 棎 鉅 7經章句 其家 自到當 夫 饋 淵 H 鉅 聴 請 夫 食 海 講 奉 録 置 日 遂 校 吳 執 問 論 上 詔 澄 子为 定易書 先 元 求 銾 所 澄 貞 者書 弟 賢 易 其 禮 詩 問 初 江 答 南 詩 終

蓝 之乃至而 純 居 獑 許 誘 提 E 文 之室 公學校 之母至 氧金 其 正 居三月以 代 僐 執 公 書 者已 夜 衡 奏 澄 經 * 至 為 疏 分 問 疾 旦 到 雖 難 胡 終 燃 文定 寒暑 去 官 者 酒 官 溢 燭 接 始 公六學 至大元 堂 不易也皇慶元 蹥 いく 即 二上諸 未 **1** H 子 至 南 敖 溢 生以 小學等書授 年 歸 各因 召 法 未 為 次 幾 未 文 受 其 國 除 年 八業日昃 公學校 材質反覆 子 胜 江 監丞 弟子 司業 西 儒 用

也

既

朝

薦

澄

有道

擢

應

奉翰

林文字有

司

敦

勸

得之議者遂以 驛至京師次真州疾作不果行英宗即 其 功 亦莫知朱陸之為 战少偏 于言語 居多而陸子靜以尊德性 四曰治事未及行又當為學者言朱子于道問學 從之南者 議約之為 溢 俄 教 為陸氏之學非許氏尊信未子本意 訓 法四條一日經學二日行實三日 拜 集賢直學士特 何 釋之末故學必以德 如也 為主問學不本于 澄一夕謝去 授 奉議 位 諸 超遷 性 大 為 生 夫 徳性 翰 有 本 庶 佴 不 幾

言不 寫 田 徒遂為薦 利 經 益 為民 薦拔且國 為惡之人死 過謂為善之 雖 經 祈 帝 拔 腁 福 在 之 上都使 初 樂 甚盛舉也若 説 間 則 以 來 以惠世人令 下淪 死 而 Ŕ. 左丞 則 輪迴之事彼得其學者 寫 上通高 污 用 蘇蘇 穢 經 其 追薦不 以追薦臣 夘 極 明 詔 腥 具 下 溢 一之神 則 極 為序 與沙 幾 口口口 腁 則 澄曰主 未 虫虫 同 與 綇 知 同 蓋 日 日 月

太中大夫先是

有音

集善書者粉

黄

金

為

3

巨人

Œ

世請 佛 法矣若已效是 俟駕還奏之會帝崩 誣 袓 而 矣 止 泰定元年 撰 為文 解 初 不 開 可 以 經

溢 末 及遷奉 溢 與平章 詔 作 太 而 廟 -政事張 國 有 議 大故 者習見同 珪 有司 國 子 堂 疑 祭 于 典 酒 全之 昭 鄧 穆 文 Ž 制 原 為 次 乃 命 講 官

至

首

神主

各以次遞遷其廟之宮

頫

今之中書

六

部

議 日世 袓

太 袓 居 中左三 廟 為 昭 右 三廟

為

混 一天

下 悉 攷 古 制 而

行之古

集

議

者

急于 省部之設亦做金宋豈以宗廟 所發異詔 國之名 益 殺 其事居數 行事竟如借次云時 奉古賜宴國史院仍 舟去中書聞之遣官驛追 加資善 儒 朝之舊徳今請老而歸 月實録成 大夫仍以金織文 未上 澄已有去志會修英宗質録 致 朝 Sp. 敌次 廷 不 移 勉 而 及 疾 綺二及 留之意宴罷 不忍重勞之宜 而還言于帝 不致古乎有 不 出中書 鈔 左 水

貫賜之澄身若不

胨

衣正坐拱手氣融

神邁答問叠叠

欠こ

e F

de also

尼其元顏曾其亨乎子思具利孟子具貞乎近古之 元堯舜其亨禹湯其利文武周公其貞乎中古之統 子其元 繼之堯舜而上道之元也堯舜而下其亨也朱 人海若冰釋弱冠時嘗著說曰道之大原出于天神 有一 出登朝署退歸于家與郡邑之所經由士大夫 八利也源洛閣閱其貞也分而言之上古 也然則可以終無所歸哉其早以 程 張其亨也朱子其利也熟為今日之貞 斯文 則義黃 自 統 仲

歸 璞葬書初 極 稱 知學之本與為學之序尤有 經 之為草廬先生天歷 紦 足曰事 世書又校正老子莊 敍 精 全書 澄 明簡潔卓然成一家言作學基學統二篇 所居草 屋 Ξ 數 子 年 間 太玄 朝 程 延以 鉅 得于邵子之學校定皇 經樂 夫題曰草廬故學者 澄 者老特命次 律及八陣 圌 使 郭

于易

东

秋

禮

祀各有纂言盡破傳註穿鑿以發其為

者

常

不

下千數百人少眼

即

著書至將終

猶不置

執業而四方之士不


惮

数千里蹋


僑

負笈來學

舍東 京 翰 為)1) 元史卷一百七十一 郡 林 ₹t. 撫 澄卒年 州 國 必 裁 史 謐 授 院 文 八十 典籍官 正長子文 汉 便 奉養 五 卷一百七十一 贈 孫 明 尚 終 江 年六月 自 同 西 有 行 知 省 傅 柳 得 左 州 丞 疾 路 上護軍 有 總 管府 大星 墜 追 事 封



足可奉公誓



我定四庫全書 舊要卷六千五百五十一史部 程 京 定四車全書 降鉅夫入為質子授宣武將軍管軍千户他日台 鉅夫名文海避武宗廟諱以字行其先自戲州 列傳第五十九 元史卷一百七十二 山後家建昌叔父飛鄉仕宋通判 明翰林學士亞中大夫知制語無修國史宋漁等修 程 鉅夫 建昌世祖時以

い 明 其 有 及 謂 臣 + 累 朝 年少 識 近 かく 得蒙陛 餘 遷集 道 臣 者也可置之翰 臣 何如人鉅 蒸為 邪 幅 曰 朕 以進帝 賢直 學士魚 延 應奉 觀 下 宜 皆 此人相 知 翰 夫條 為 大奇之因 遇 林文字 林丞 敢 联言之鉅 秘 貌已應 對甚悉帝說給筆礼書之乃 不 書 相 竭 カル 帝曰 Ī 問 和 爾 貴 監 夫 仐 報 至元 自今國家政事 果 顧 居 頓 聴 斯 陛 首 何官以千户 谢 其言 下尋進 + 傅旨至翰 "目 れ 論誠 臣 年 本 翰 奏 對 疏 聰 陳 稩 林

功 賜 曰 解又命為御史中 嘉納之二十四年立尚書省詔以為祭 同 厯 江南搜訪遺逸御史臺按察司並宜 汝耒 地京 領 四日置貪臟籍五日給江 會同館事二十三年見帝首陳興 師 用 安 南人何以知南人不可用 貞門以築居室二十年 丞 臺臣言鉅夫南人且年少帝 南官吏俸 秦7 加翰 自今省部臺 -朝廷多采 知政事鉅 建國學气造 用 林集賢 南北之人

曰取 會江南

任籍二日通南北之選三日立考

足り声

Ų

臨 帝特命以漢字書之帝素聞趙孟道葉寺名 祭用南人遂以鉅夫仍為集賢直學士拜侍御史行 第一百十十二 五事拜集賢學士仍還行臺二十六年時 史臺事奉記求賢於江南初書記令皆用蒙古字 十餘人帝皆雅置臺憲及文學之職還朝陳民間 張 行帝密輸必致此二人鉅夫又薦趙孟頫 伯海胡夢魁曾晞顏孔沐曾沖子凌時中包鑄等 余恁萬 鉅夫當 僧

法令背急四方縣動鉅夫入朝上疏曰

臣聞

文 急 可 帝 割 和宰 下遂萬物之宜 而 生民 問 於良以 大 rz 惟 相之職 於 決 決 どく 為 獄 紩 殖 擇 責 務 及 货 JŁ. 相 為 錢 矣 廷 سطو 所 宰相之職 委 刷問 外 臣 今 糧 ت. 權 非 鎮 竊 任 問 我用事立尚, 錢穀責 為 者 撫 丞 ソソ 上為 為 率 四 相 莫 夷内 宜 皆 大於進賢 周 清 金食を 徳 治 勃 尚書之政 饕 親 栗 勃 為 書 邀 附 不 内 下為民之意 一 省 史 能 利 百 宰相 對陳 之人 箌 姓 不 損 考 鞠. ン 平進 進賢 稶 行 上 江 其 穀 省 南 所 理 1 盗 パ 言 曰

钦

定

9

車

全

書:

3

二十九年又召鉅夫與胡祇遙姚燈王憚雷膺陳天祥 書省事十年以九早暴風星變鉅夫應點陳拜災之策 京 權能言利之官行恤民之事於國為便僧格大怒羈留 之為民害者上下肅然八年召拜翰林學士商議中 選江南湖北道蕭政庶訪使至官首治行省平章家 恭懿高凝陳儼趙居信等十人赴國賜對三十年 問海通肅政產訪使與學明教吏民畏爱之大他四 師不遣奏請殺之凡六奏帝皆不許鉅夫既還行臺

年早鉅夫應 上都三年復拜山南江北道肅政庶訪使四年與李 使 功徳 之雲 復留為翰林學士至大元年修成宗實録二年白 訪使留為翰林學士承旨皇慶元年修武宗實 有五日敬天日尊祖日清心日持 文等十六人同赴關賜對便殿拜 品鉅夫 南省臣言世祖親平雲南民願刻石點蒼山 NE C 撰其文十一年拜山南江北道肅政蔗 · 品康桑林六事件時年意明日帝遣 浙東海右道 體口更化帝

E

書

章宜革唐宋宿弊命鉅夫草部行之三月以病乞骸 便 侍養時今近臣無視且勞之曰鄉世祖舊臣惟忠惟 禄大夫賜上尊命廷臣以下飲食於齊化門外給 議行貢舉法 年夫建言經學當主程 言之於是能 賜上尊勞之日中書集議惟鄉所言甚當後臨事其 田里不允命尚醫給藥物官其子大本郊祀署令以 勉加養粥少留京師以副朕心年夫請益堅特 鉅夫脩平章政事李益祭知政事許師 頤 朱熹傅註文 骨

之于是為孝宗伯主其兄也賜第於湖 定二年贈大司徒柱國追 (倭王子偁四世祖崇憲靖王伯圭高宗無子立子 孟頫字子昂宋太祖子泰王徳芳之後也五世祖秀 人曾祖師垂祖希永父與告任宋皆至大官入國 的行省及有司常加存問居五年而卒年七十 趙 孟 頫 封楚國公益文憲 州故孟 頫 為 學 湖

定四庫全書

总一百七十二

頻貴果贈

師

垂集賢侍讀學士希永太常禮儀院

官武中吏部發法調真州司户祭軍宋亡家 宋 如神 · 遊於江南得孟順以之入見孟順才氣英邁神采 於學至元二十三年行臺侍御史程軍夫奉記搜 並封吳與 頻草的須天下帝覽之喜日得朕心之所被言 **歌讀書過日縣成誦為文操筆立就年十四用父蔭** 宗室子不宜使近左右帝不聴時方立尚書省命 仙中人世祖顧之喜使坐右丞葉寺上或言孟 郡公與告集賢大學士封魏國公孟順 居: 者矣 益 鮗 自 訪 幼

至 不 為直 孟 稃 輕 定四車全書 暖 民 元 鈔 重 頫口 生 必 百 巴通欲以此 官 乃宋 斑 所 復 相 去至數 始造鈔 升降 於 如中 項謂之二實銀錢與二物 府 刑部議 所 有 統使民計 十十 胼 膊 斷人死命 創 施 倍 法 終 ソス 衆 於邊 銀為 故改中統 不大相遠 欲計至元鈔二百貫 劧 郡 抵 本 全人襲 法 不 虚 實相 足深 بل 為至元又二十 疑 办 相 パく 太 取也或 權 權 而 縚 今二十 重古 用 計 謂之二虚 之皆 贓 者以 とく 最為 鹹 孟 出 餘 年 頫

改 使客食 欲 不 沮 廷 之二十 至 格 とく 得 行 初 至 其 勢 元 至 自 食之貴 釸 元 相 死 元 南 四 陵 謂 矣 釸 釸 方 / 來 年 可至元 至 耶 孟 故 幾 譏 犯 六 頫 孟 法 月 其人 國 鈔 奉 頫 者以 法 授 ***** 影 E 兵部即中兵 與法者 無虚 有 於前吏無以 不 心虚時心 者人死 是計 便 冷意 不 敢 頗 膩 不 所 有 論 不 初 欲 是 部 言 係罪 平 大理今中 理 議 責 汝 總 有 **>**2 强 孟 夭 為 取 T 孟 不 统 重 頫 諸 輕 揆 砂 非 頫 曰 则 当 謠 於虚

令 吉 虎臣 宜遣虎臣帝 平江路總管趙 之罪凡左 比還不答一人丞 郡多强買 造尚書劉宣與孟順 往必將陷 遂請於中書 右 司 人田 不 官 全不 全事縱得實人亦不能無疑帝 聴 及諸 孟 相 縱賓客為姦利全數 頫 法即命虎臣往 僧 增好給之至元 路官 進曰趙全固當問 格 馳驛至江南 大以為禮時有王虎臣 則 徑 答之孟顺受命 按之葉李執 多法滞溢 問 ~與爭虎 行省丞 鉄 虎 悟 臣 臣 相 素 前 者 慢 而

AU DE LA MAIN

元史

節義且辱士大夫是辱朝廷也僧格亟恩孟 石丞葉李曰古者刑不上大夫所 於河僧格聞之言於帝移築 所答唯曹史以下他日行東御 類素貧賜鈔五十銀二十七年選集 使僧 頫 偶後至斷事官遽引孟 格 .鐘初寫時即坐省中六曹官後至者 山頻受苦孟 御牆 牆外道險孟 順稍西二大許帝 以養其意 賢直學士是歲 順入訴 頻 頫 耶 使 5 北 教 2 自 苔

震北京尤甚地陷黑

灬沙水涌

出人死傷數十萬帝深

涟 兩 八僧格遣實 以未殺者尚 山 災異之言以修人事應天發為對莫敢語及時政 院官詢致災之由議者畏忌僧格但泛引經傳及五 里甚善勸令奏帝赦天下盡與蠲除 林 根 者則 薩里入奏 聒 跟龍虎臺造 野爾 歇 發 都及王濟等理算天下錢 兵捕之皆其敢沮其事孟頫與千萬害民将甚民不聊生自殺 如孟頫 (所言帝從之草部已具僧 根薩里是還名 庶 程已微入數百 幾 自殺 集 天 變了 者 郛 可 爾 相 屬

Ţ

似道誤國門上夢失依阿取容寺布衣乃伏關上書是 糧數千萬歸谷尚書省豈不為丞相深累耶僧 讀之書臣皆讀之其所知所能臣皆知之能之帝 執其人重厚為於自信好謀而能 獲蘇帝嘗問葉寺留夢炎優方孟順 以夢美賢於李耶夢矣在宋為狀元位至丞相當 從 必非帝意孟順曰凡錢 取非及是時除免之他日言事者 糧未後者其人死亡已 断 對口夢炎臣 有大臣罷葉 倘以失 格 悟 陷 盡

Ž. Ž 國責留夢矣不言僧格罪甚於似道而我等不言他 語帝裝賞馬孟 孟 理慷 帝前數僧格罪惡帝怒命衛士批 命為萬姓除發賊仁者之事也公必 以解其責然我疏遠之臣言必不聽侍臣中讀書 頫 夢炎也 所賦詩有往事已非 既有大即又為上所親信無瑜公者 以夢炎父友不敢斥言其 類退謂奉御微爾曰帝論贾似道 那可說且 其 府忠直報 頰 勉 非可賦詩 2 血 既 夫 涌 捐 口鼻 而 皇

三日草

4 As 14

必 從容語及 頫 耶 聞 潮 對 中書政事孟 在 路總管府事時總 不 曰 知 臣 僧 治治 復呼 側 帝曰 太 格 道多所 罷 必 祖 為 十一世 太 尚書省大臣 頫 而 問之對 祖 固 神益帝問 所 辭 行事多可取 医力請 管 孫 有旨令出入宫 帝曰 如初 | 関孟 多 時 汝 ンス 頫 補 太 外二十 趙 者 罪去帝 大臣 獨署府事官事 祖 行事 朕 太 皆 乖 PE 祖 有繼 知 孫 欲 無 年 义 知之 禁 使 耶 毎 孟 孟 吉 出 太 宗 同 頫 頫 者

簡 書 遷泰 袓 全字 實 斯 屍 他 踰 素 學士 遂 州 録 月 名 书 澈 誣 摐 兒 Ŧ 孟 告 未 虐 經 妃 自 同 役 定 上 既 頫 とく 至 成 還京師 办 孟 役 祀 歸 者殺 南 除 鹽 大三年名 郡 頫 場 郊祝 集 不 中 不 、賢直學 能 摐 乃解久之遷 稱 勝 文 承 兒 為 至京 及 既 神 順 擬 明愈 誣 土 苦 其意以事中之 四 師 业 江 服 浙 殿 庶 温 逃去其父求 知 ンス 等處 汾州 翰 名 訪 頫 議 司事 疑 林 未 侍讀 儒 其 會 學 合 上有 冤 留

學士資德大夫三年拜翰林學士承旨崇禄大夫帝 士中奉大夫延祐元年改翰林侍講學士遷集賢侍 之甚厚以字呼之而不名帝當與侍臣論文學之士以 與聞者帝乃曰趙子却世祖皇帝所簡拔朕特優以 聞書畫絕倫旁通佛老之旨皆人所不及有不悅 去仁宗在東宮素知其名及即位名除集賢侍講學 之帝初若不聞者又有上書言國史所載不宜使孟 順比唐李白宋蘇子瞻又嘗稱孟瓶操履紙正博學 者

賜 仕 事六年得請南歸帝遣使賜 去孟 其以普慶寺别貯 盯 鈔五百銀謂 程 親 置於館 鉅 左右皆謂其年老畏寒勒御府賜貂鼠衣初 一類代之先往拜其門而後入院時人以為 夫薦起家為即及鉅夫為翰林學士承旨 閣典司述作傅之後世此 侍 臣曰中書每稱國用不足必持 鈔給之孟 衣幣趣之還朝以 一類當累月不至宮中 屬 **购败何也** 孟 疾 衣 求 而 冠 頫

行至治元年

- 英宗遣使即其家俾書孝經二年賜

足目節

元史

萬里來求其書歸國中實之其畫山水木石花竹人馬 真行草書無不冠絕古今遂以書名天下天竺有僧 尊及衣二襲是歲六月卒年六十九追封魏國公益 詩文清邃奇逸讀之使人有飄飄出塵之想篆獨分隸 歌孟賴所著有尚書註有琴原樂原得律呂不傅之 為知言云子雍奕並以書畫知名 畫者不知其文章知其文章者不知其經濟之學人 精殿前史官楊載稱孟順之才頗為書畫所掩知其 四月石言 妙

謁告還江南至大元年復為修撰預修成宗實録三年 鄧 白 至 更學校之政當路 江浙儒學提舉皇慶元年召為國子司業至官首 元二十七年行中書省辟為杭州路儒學正大徳二 調崇德州教授五年揮應奉翰林文字九年陞修 五通春秋在宋時以流寫試浙西轉運司點四川 Au) Di tal di dila 文原字善之一字匪 四月循重於改八 石 綿州人父漳徒我塘文原 作論不合移 病去

消 告 民夜歸巡邏 肅 南 人者曰張 熙 人曰 政庶 於門 行文原校 四月 讣 贓 白 訪 地明且家人得之以 厩 延 間青衣 福 諈 司事平江僧 祐 者 兒執之使 四年陞 文江 服 執之緊事下其人通 文 ~長身者 原 淅 南 龙一 行部按問得實杖 慮士守舊習大書朱熹貢奉 服 有憾其府判官 林待制五年出愈 馬械繫三年文原 也其兄憩於官 歸 比死其 去有 兄 僧 理 追及之 有 問 匝 而 者 録之日 司 殺 釋 南 興 汝 問 贿 淅 者 者 直 其 西

清血斧俱 夗 其妻葉氏與其弟謀殺汝惟 三郡歲入茶課鈔三千錠後增至十八萬錠竭山谷 妻業氏與其弟謀殺汝惟狀而於水涯樹下得屍氏廬者而不知汝惟所之文原曰此必有故也乃 桐廬人戴汝惟 チ 定四車全書 不能充其半餘皆鑿空取之民間歲以為常時轉 傷宜在 身不満六尺未見其長也刃傷 在 左何 馬人以為神六年移江東道微寧國廣 家 右傷也鞘之果得真殺人者而釋 被盗有司得盗狱成送都夜有焚 右 叠而福 兒素 得

有 大專司律 回 而 司 聴 坐回時久旱不雨 賂 凡五品官以下 汪族人經蘭殺之蘭經 用 郡 郷里譯於 縣領之不報機民謝蘭家僮汪 動 皆杖洪州縣真敢如何 決獄乃雨至治二年台為集 以犯法誣民而轉運司得專 一服文原 録之得 文 姓 者死蘭 原 請 情 賢

(學士地震記議再災之道文原請決滞四置倉廩

儲

美栗以

賑

鐵復申前議請罷權茶轉運司又不報

國子祭酒

江浙省臣趙簡請開經筵泰定元年

語 初 既 江 客 淅等處 死 歷 人有文集 とく 元 省 京 日車公吉丁 而 疾 冬知 年卒年七十一文原 辭 同 師有一書生病 含 儒 四 學 生竊 政 若 年 事 副 干 拜 一歲北湖 卷 謐 拫 全去文原買金價 内 舉 文 未 制 篤 南 集若干卷藏 取囊中金屬 任 道肅政 卒至正 内 嚴而外 魚 れ 死者家終身 恕家貧 於家子 文原以 年 訪 使以 制 贈 吉 歸 疾 笳 犴 原 監 其 行 不 不 庶

授

E

原

並

經筵官以疾乞致

仕

歸二年 台

翰林侍

字 表 桷 伯長慶元人宋同 知福密院事部之曾 孫 为 重

徳 建 南 謂 初 已著聲部使者舉茂才異等起為麗澤書院 之天 郊 閩 稍 稪 大作昊天五帝議祭天歲或名們進十議曰天無二日天尤不 程文海王構薦為翰林國史院檢閱官時即使者舉茂才更多方 程 昊天五帝議 於 天歲或為九 郊 不見於 或為二

初

郊議后土社也作

后土即社議三歲一郊非

名

數議

墨

丘 不 見

五經

周

官 作

图

作

字 郊 郊 祭 各 也作 立 有 同 台 天無間歲樣猪柴見於古經周官以種 明堂禮儀異制 辛日議 蓰 酊 旨 作 制 北郊 礼議郊質而尊之義也明堂文而 而言之增犀祀而 語魚國史院編修官請購求遠全宋三史遺 潘恭泰擅祥祭 議禮官 北郊不見於三禮尊地而遵北 議郊用辛魯禮也下不 推 其博多采用之陸應 合祠 天之牛角 非 周公之制 繭 栗用 得常為辛 親之義也 祀為天其義 奉翰林 扯 郊鄭玄之 矣作郊 チ 郊 文

定日車公吉

·元 史

詞 誥 誽 清容居 同 稪 等處行中書省条 歷 修 朝 曹元用 13 兩考選待制 廷 國 VZ. ቷ 制 史至 直學士召入集賢未幾改 4 册 泰定四日 治 動 臣 元 又 年選侍講學士泰力 再 年卒年六十一贈中 年多出其手所考, 知 任 拜集賢直學士久之移 翰 定 林 直 初 易 辭 那公盆 學士 奉 大 踊 春 夫 稻 知 疾 文 秋在 制 江 去

觀 曹元用字子貞世居阿城後徒決上祖義不任父宗 夜讀書常達曙不寢父憂其致疾止之輒以 其疵 係屬非材請較武取其優者用之御史臺辟為禄 之始 用 清縣主簿元用資稟俊爽幼皆書一經日輒成誦毎 四方士少所許可及見元用出所為文示之元用 初不習吏事而見事明決吏反師之轉中書省 復大奇之因薦為翰林國史院編修官即論 以鎮江路儒學正考滿游京師勒 林 衣蔽窗 承旨 閤 右 甎 復

ĸ

3 9

de data 🎼

元史

其

カロ 薇 太常禮儀院 首 而 灾 耒 號 仁 罷 注 敏 林文字遷禮部主事時 宗 鹵 眉 退 有 レス 居 崩 彰懿 簿 生ま 諡 河元明善濟南 輿 無室可稍乃於武宗室前結彩為次英 任 號元 經 服之 城久之齊魯 徳 厯 改 用言后為 制 屬 尚書者右司都事轉員 率所裁定 英宗 張 八養 洁同 躬修祀事銳意禮樂 間 果 天下母豈可直 朝 從 初 學者甚衆延 皇 畤 太 后 廟 既 號 派為三 俊 崩 九室合 外郎 稱 者 祐六 其 楢 餐 其 及 除 名 宗 尚 應 年 宜 名

販 以序退無爭門而出之擾又謂太醫儀鳳 用 勤 今 尚書無經筵官及大朝會為糾儀官申 人皆稱其有先見之明泰定二年授太子赞善轉禮 獨 室為寢當更營大殿於前為十五室帝嘉其議授 上京台禮官集議元用言古者宗廟有寢有室宜 '制陞直學士至治三年八月特克實之變賊黨齊 穆爾遽至京師收百司印趣召兩院學士北上元 不行曰此非常之發吾寧死不可曲從也未幾賊 教 卷 坊等官 班之今 翰

<u>ا</u>

元史

賞罰以示勸 之事 損 者 選守令恤貧民嚴 以實不以文修德明政應天之實也宜搏浮費節 夏帝以日食地震星葵 太廟四時之事止存冬祭 序正班當自為一列後 四月白丁 元用以為國家文治正在 不可關一乃經禮之大者其可惜貴而廢禮手三 德皆切中時弊又論科舉取士之法當革 禋 祀法佛事止造作以舒民力 諮 皆行之時宰執有欲能科舉 議所以拜吳者元用 者元用謂論祠嘗蒸四時 於此 胡可罷也又有 謂 慎

大夫翰林侍講學士魚經筵官預修仁宗英宗 詔帝覽而善之賜全織文錦天歷二年代祀曲阜孔子 使 鉄中書 又奉旨纂集甲令為 眾以司寇像及代祀記 皆行於時凡 濫嚴考要伴得真才之用議上朝 無者将大用之矣會卒帝嗟悼久之謂侍臣曰曹子 奏以 大制 元用 語 為之帝不允曰 率元用所草文宗時草寬恤 通制譯唐貞觀政要為國 獻帝甚喜值太禧宗禮 廷成是之拜中 JH_ 人翰林中 兩 院 所 語 朝 賣 副

獻詩文四十卷號 等處行中書省祭知政事護軍追封東平郡公益 盡忠宣力今亡矣可賜 法十三從師 履謹字伯恒父義善算術履謹生六歲從父至京師 洛之書不讀至元十六年初立太史局改治新歷 讀書一過即能記憶年十一教以推步星歷 齊履謙 聞聖賢之學自是以窮理為務 超 然集二子偉儀 轉鈔五千紹贈正奉大夫 非沫 盡 文

页四月在 書

年 行 其 中書 置 圖 而 能 經 一更鼓 考定 下鳴 形 對 星 歴議二十 履 伊 歷 如 競以為 運 并 履謙 碑 生同 讌 花寶山等漏 守 故 獨 九 漏卒當時遵用之二年遷保章正始 隨 視之因見刻 名 輩皆司天臺官于太史王恂 節 問隨答 年授星歷教授都城 碑 漏 其 漏 内設曲筒鑄銅為 怕大青之新 制 經久廢壞晨昏 命工改作 漏旁 有宋 又請重 篟 刻 歷 銅壺四 失度 既成 漏舊以木 丸 自 問 大徳 建 砰首 複 鼓 办 预 棲 為 是

2

元史

歴 常數也其食 官之政三年八 當爭沒日不 盛 餘分之積也故歷 以涉 蝕 事以 陰 一微宜常, 交既淺且復近 泉 占 剛 與否 六年六 能 懼 決履謹一 蝕不 月 履 人議日 當 朔 則 蝕 法以所積 冉 悠 月 遂 朔 白氣 於 濁 加 考唐 蝕 畴 欲 本十五日 加 依 獨 匿 不 戌 歷 開 蝕 之日命為 不 レン 依 報 在 Ę 狀 亢 古 蝕 聞 歴 どく 履 來當 有之 及其時 二分有奇 而 謙 日 没日 間 蝕 日 蝕 矧 吾 有 不 所掌 不 食

句

道大臣當反躬責己去專制之威以答天變不可徒為 享祀司天雖掌時刻無鐘鼓更漏往往至且始行事 獲稿也時成宗寢疾宰臣有專威福者故履謙言及之 九年冬始立南郊祀吴天上帝履謙攝司天臺官舊制 致災之由及拜災之道履該按春秋言地為陰而主静 白宰執請用鐘鼓更漏仰早晏有節從之至大二年 道臣道子道也三者失其道則地為之弗寧弭之之

足日東公書 人

氣者為是衆服其議七年八月戊申夜地大震部

太常請修社稷擅及淡太廟庭中井或以歲君所直欲 幾 復以履謹無太史院事皇慶二年春彗星出東 投奉直大夫國子司業與吳澄並命時號得人每五 其役履謙曰國家以四海為家歲君豈專在是三年 術臺臣言履誠有學行可教國學子弟雅國子監 授時郎私官正無領冬官正事四年仁宗即位素 該奏直增修善政以答天意因陳時務八事仁宗 入學風雨寒暑未嘗少怠其教養有法諸生皆畏服 丞

學行以次第 月武 成貢六人以入學先後為次第履謙曰不及其業何 與善而得人乃酌舊制立性齊積分等法每季改 人為長雖助教閥員而諸生講授不絕時初命國子 為國子司業履無律已益嚴教道益張每齊置伴讀 學制稍為之廢延祐元年部擇善教者於是復以 經疑經義季月武古賦的 升 既升上齊又必衛再歲始與 語章表策蒙古色 私 試 孟 目 月

動容顧宰臣命速行之自履謙去國

學異澄亦移

定日車全書頭

學 學 其藝業及格者六人以充歲貢三年不通一經及 之士五年 石州縣有以先賢子孫充房夫諸役 太史院使泰定二年 不满一處者正點之帝從其議自是人人 罷官吏之貪 至八分者充高等以四十人為額 經策問辭理 出為濱州知州丁母憂不果行至治元年 俱 污者四百餘人蠲 優 者一分解平理傻 九月以本官奉使宣 免 然後集 者悉罪遣之 括 者為半分 地 勵 撫 虚 賢禮 加口 江西 志多 糧 福 敷 福 文 在

會 月 四 憲司職 卒履謹篤學勤苦家貧無書及為星歷生 故其學博治精通自六經 皆坐事免履謹始得直復為太史院使天歷二年 之由是召怨及還京憲司果誣以 陰 去監革亡宋故書留置本院因晝夜諷誦深完 陽 五行 田每敢歲輸米三石民不 一卷中 醫藥卜筮無不淹貫尤精 庸章句續解一 諸史天文地理禮 老論 勝 他事未幾誣履 者履謹命准 語言仁通旨 經籍 在 樂 太史 著 律 大 局 學 自 歷

由 郤 貃 數 者二至各景考二卷授時歷 書傅詳說一 氏經世書數非極也特寫其數於極 國 定 老 泰定二年夏至天道加時真 匹庫全書 履 统 而 會 紀六卷以 讌 經世書有內 極 EJ 者 测 巷 外篇 唇景并晨昏五星宿度 皇 易繫解旨署二卷易本說四 極 被旨一卷授 外篇内篇 2 1名見於洪 雖 則 數各減 時歷行五十年未嘗 有經串 因 範皇 極 (自至治) 而 耳 工極之數站 見行 明 者 而 何經世書入 數 經 思書 卷 三年 外篇 パ 春 者 冬 则

有 石 人 廟 而 下 古 ٦, 於 串 之 不 律管 竅 竹 載 可 氣 樂 ン 作 蓋 バス 及 而 沿 紦 ルス 葉 同 战 候 河 經 通 長 度 内 氣 宋 串 數 ₹ 葭莩 量 全 隅 秋 尺 Z 浦 有 法 未 平 上 求 撰 ハす れ 物 候 具 有 其 法一 寸 之 載 貨 能 法 上可 其 外 前 厚 Ī 2 空 方 史可 之 卷! 風 所 ンス 均 内 者 俗 元 ンン 直 為 列 擇 正 履 立 鉄 約 其 國 圓 雅 讌 數 地 徑三 事上之又 空 樂 僻 2 调 百 中 薦 為 樂 有 所 分 有 郊 密 本 餘 從 レス 隅 室 廟 於 年 出 應 得 律 隬 和 取 則 而 中 黄 律 郊 黑 神 全

E

Э

Þ

ŕ

書

鐘 寸 郡 所 順 ス三年 之數隔 餘蓋以聚其氣 謂 元史卷一百七十二 验 王律 文 五 者是也適 懿 月 下九寸其 贈 騚 而 林 遷他官事遂寢有志者深 上之其製與律家所 空 學 自 士資善大夫上哉 小竅遊選殺至管 軍 説 底 追 不 約 同 封 惜 盖 徑 汝 之 南 至 古 ئے


郅 程 程 丈 文原傅至正九年 僧 鉅 灰 一十九年下文方繫二十三年令據年譜刪二字 肅 議 夫傅 夫傅至元十九年奏陳五事 格 増 始立省設官 按至正九年原刻 立尚書省 原 鉤考錢 制 刻 贈 文原江浙行省祭知 脱省字文義未協令據名臣 作至順五年考至順實 穀 按元制本有尚書至 按十九年原刻 政 作

A.5

亢

史卷一百七十二考證

齊履謙傳七年八月戊申夜地大震 金灰四月在這一 卯與此異 三年係傳之誤今據黃晉 碑 改 按五行志作 卒



校官編修臣吳紹深

欽定四庫全書管要元史卷一百七十六五

詳校官編修臣王天禄



欽定四庫全書舊要卷六千五百五十二史部 崔斌字仲文馬邑人性警敏多智慮魁岸雄偉善騎 琳濟達將遊騎戍淮南斌 攻文學而達政術世祖 元史卷一百七十三 八傳第六十 The state of 崔斌 明翰林學士亞中大夫知制語無修國史宋濂等修 元史 在潛邸召見應對稱音命佐 負才略布琳濟達甚敬禮 射

體 出 年 襲之多所 攺 駐 西京 揚 州西城 參議宣慰司事世祖當命安 殺獲 , 俾斌領 俄丁父憂襲授金符為總管中 志 騎 兵規 時 敵 形勢 政 得 失 斌視 圖 曲 、翠漢人 中 敵 宸 兵 識 慮 統

者一人安圖舉斌入見敷陳 祖 諱 銳 帝幸上都當召斌 一意圖治斌危言 斌 謹 下馬 論

直

拈

面

斥

是

非

立

判

大體

今當

何先斌

バ

任

相

對

帝曰

汝

其

為

我

舉

步

從

帝

命

之

騎

因

問

者

安

圖史天澤

對

市

钬、

良久斌

回陛

财 姐 決 左 帝前屢斥其姦惡至元四年出守東平五年大兵南 赋 聞 之進見必與近臣偕 右 一以掊克為事斌曰 者故人多思之會阿哈瑪 司 郎 中每論事帝前羣言終日不 其所 颠 其 獻 特立制器 有 聚敛之臣寧有盗 國用 近之臣 決 者斌以數 使 - 有不得 司專總 臣 言

定日事私

+ T

為)

可否衆誰然呼萬歲帝悅遂以二人並為相

除

斌

言

陛下裁之帝俞其請斌立馬賜言曰

有

占

問

安

圖

臣

很鄙所舉未允公議有所惑與今近臣成在乞采

斌 攻 除 坐 馳 征 絶 鹿 於是下其卒于獄自是莫敢犯歲大浸 同 馳 謂 道壽張卒有撒民席 門 숈 餇 奏以免復請于朝 主將曰未至敵境而 援 山 樞 斌曰自 客院事襄樊之役命斌 圳 寒陽可坐制 岘 Ц 西 得 き 投 美時 先 抵 其赤子於 楮幣十萬緡 殺 萬 山北 、吾民國 調 曹濮 地以 抵 民丁屯 有常 漢 ソス 檓 行 死 江 賑 築 省事 民饑六年 賦 刑 訴 田 城 如常年 汝 於 亦 南 浚 方 斌 議 當 陽 塹 斌

罷

曹

濮

屯民以近地兵多者

補之民以

為

便又議

]實不堪命減其半為宜 正陽諸軍悉道河南供 河 **愈行中書省十一年詔** 兵二萬 南宣慰司加中奉 給 遠近 輸 以益襄樊斌即 棣青滄鹽 販者輻 輳飽 参付 大夫賜 億 丞 銄 從之襄陽既 馳 行 相 雖 **美田河** 省募民以米質之仍 不勞而集 繁而事 巴 金虎符充宣慰 延總兵 南 户少 無 有盲 下轉嘉議大 缺 南征改行 失 而 河)使時 調 南 度 四 繁 省 夫

. 分

阿

爾哈

湖

斌貳之拜行中書

省

麥

雅定

市東部

軍 事 矢 捷 ス 能 二年 洏 軍 驕 斌 驰 一个焚其 À ソン 軍 圍 夜 潭 角 集 116 樓 斌 栅 斷 攻 下 黎 其 西 明 北 援 鐵 道 果 壩 塹 登 城. 不 阿 為三 利 阚 斌 黔 周 曰 雅 彼 則

7

盾

井.

登

阿

爾

哈

雅

持

酒

勞

曰

取

此

城

公

. 之

力

也

斌

自

樓

火

之且豎

木

栅

城

上

詰

旦

布

雲

梯

鼓

讄

而

上

斌

阚

雅

日潭人

膽

破

矣

若

斂

兵

ス

進

許

其

路

则

皆

我

有

自

重

湖

以

南

連

城

可

傅

而

定

城

可

得

諸

將

然之

洒

誓

師

銜

枚

潛

登

鐵

壩

人

齎

芻

稭

梯

潭 將 喻 曰 赴斌 屬邑安化 之為立生祠十三年奉旨撫諭廣西尋命還治湖 很各為其主耳宜旌之以 **迪止捷聞帝嘉之進資善大夫行中書** 以與師本意諸將曰 福 駐兵南嶽凡來 城中争出降諸將 湘 鄉衡山以南賊 路者同 編 氓當如公說 怒 勸 其抗敵持久咸欲 八僚 周 未附者且殺降不祥 議 龍 欲 張 敵 盡 唐 張 戮 省左丞潭人 兵必誅之斌 虎 汉 等所 屠之 懲 南 在

兵急攻彼無噍

類

得一空

城

何益從之明

日

定日車全書

夫姜衛 覈 所用多非其人因極言阿 亢 帝 昌言江淮行省事至重而 其不法罷天下轉運司海内 問江南各省撫治 特 極密副使博雅 擅 權日甚廷臣莫敢誰何斌從帝至察汗 如何 按 哈瑪特姦靈帝乃 斌對以治安之道 問之汰其兄員 省臣無一人通文墨 稱 快適尚 黑 書留夢 令御 其 在 親 得

按該其首惡看從者盡釋之十五年被召入鄭

命斌選江淮行省左丞

跹

至凡前日靈

國

漁

民不

崔彧字文卿小字拜特穆爾弘州人負才氣 敬 皆為大官 崔彧 剛直敢 言

足日車全書 一

 \mathfrak{Z}_{1}

同三司追封鄭剛公論忠毅子三人良知

威

恩孫

冤之年五十六至大初贈

推

忠保節功臣

太傅

開府

天

在東宮聞之方食投箸側然遣使止之已不及矣

其

細事遮留使不獲上見因誣構以

罪竟為所害裕宗

政悉釐正之仍條具以

聞

阿哈瑪特處其害已据

摭

無一 集賢侍讀學士或言阿 馬錫栗世祖雖聽其言然虚實竟不 財貨 藝術之人明年自江南回首言呼圖克岱 祖甚器之至元十六年奉詔 隸亦不可留如參知 人誰 有音凡阿 煩擾百姓身為使臣乃挈妻子以 何之者及既 哈瑪 特 政 所 誅 沿 事阿 瑪特 乃 用 之人皆 各 偕 當國 雅克諾 哩請 自 バ 時 辨 革 為 汉ス 決也十 **小木至江** 往 阿 潔 同 臣 所 阚 誠 旌 列 在 以為守 根 爾襲 皆 欺 九 索 南 图 取 知 索

雖 帝 丞 屍從之尋奉占鉤考樞 王公將 無遺事竟之時 日巴 或言臺臣於國家政 勅 相 中書凡阿 亦宜糾察 '朕與汝 哈瑪 近唯 密文 事 别 特 御史得 得失生民 有言也又 所 牘 用 由 旨罷之窮 有 刑 休 請 部 所 戚 尚 言臣以為 汉 書 郝 百 治 官 黨與 禎 邪 御 괌] 臺 JE.

使

得

其害又有

不

可勝

言

者

賴陛下神

聖

灼

拒

而

不可臣巴疏

其

奸惡

+

餘

事乞召

阿

哩

廷

官

皆當

建言庶於國家

有

補

選用臺察官

岩由中書

处

六

足日華私書

¥

元史

刑 有 瑪 番 部 蒙古十六員相參巡歷為宜皆從之二十 偏 特 直上前以司張舌庶免黨附壅塞之患二曰 徇之弊御史宜從本臺選擇初用 尚書上疏言時政十八事一曰開 擅 權臺臣莫敢糾其非追事敗然後 廣言路多選 漢人十六員 接 年復 踵 隨 當 以 聲 為 阿 正

哈

當

問

罪三曰樞

客院定奪軍官賞罰不當

多

聴

阿

取

譏

笑宜别

加

選 用

其舊

人

除蒙古人取

聖

斷

外 餘

特

風

肯宜

擇

有聲望者為長貳庶

號 合

明

而賞罰當

王言 蒙古人之有聲望漢人之重厚者居其 輩 幼 罰 人無所 出矣七日今起居注所書不 ス 講 動 公 選 必書以垂法於無 學何以從政得 五日 論 簢 未伸合次第屏除六日貴 郝 尼宜定律令以為一代之法九 禎 耿仁等雖 如左 窮八日憲曹無 丞 正 過 典 許 /奏事 衡 刑 岩 游 教 任 檢 画 子 是 分 法可守是 弟 目 子 者尚 ,學則人 日官冗 番 而 用 已宜 上直 多 即 顯 罪 市 若 擇 オ 官 同

2

3

Ą

元史

t

曰

翰

苑

亦

頌

阿哈瑪

特

功

徳宜

訪

南

JŁ

耆儒

碩

望

ソス

定 官 還民官滿替以户口 復業免其後來五年科役其餘積欠並獨 省一官員併一衙門亦 民盖官吏既有所養不致病民少增 成規十曰官僚無以養廉責其貪則苛乞將諸 一曰内地百姓流移江南避賦 有俸者量增無俸者特給然不取之於官 旅豈人之情賦重政繁驅之致此乞特 月任き · 增 非 耗為無陟其徙江 經久之策 宜參聚議而 役者已十五萬户 歳 賦亦將樂 事産 南 降 ス 惟 BP 占 賦 歸 路 去 從 招 日

宜 簿 總管 丞 不應立留守司此皆 以之實帑藏供歲 録 置諸左十六日在 好黨 瑪 府 特 射 擯默或居散 十五日中書 物 本國 了家之物 計 外 省 :地或在遠 阿 + 四 行 右 贴 日 逐二而 省 不 瑪 大 不必置 特 可 方並令拔 都 視為 以 此 非 左 丞 丞 位 如 横 上 置 相 相 得 遂 都 一私黨宜 平章止 宜 擢 攺 致 ナニ 止 備 所 濫 易 曰 增 用 <u>:</u>(!!

右

丞

ソソ

下

庶幾内

重

不

致

势

均彼

謂

非

隆

其

名

不

E

벮

土著

例當役十二日凡

丞

相

安

圖

遷

轉

良臣悉

自 權 鎮 南 其 不 壓 盗 數 今 三品已上必 轉 在 子 事 者 他 阿 姪 賊 所 姻黨 姦 餘 跲 相 命 勿使久 瑪 臣欺罔之論也 挻 (分列) 特 而 與 神 下宜 起 權 引見 據 史大 P. 罷 要官 湖 百 廣 夫 職 而 八十八日 吏出 餘 後 理 伊 七日 算 實 授 腁 官 其門 特 其黨 皆 阿 由 疏 銓 穆 者十 爾 奏 選 雖 拍 廟 黔 議 即 類 無 刷 之七 雅 行 奏 汚 水 日 、手、 之又 掌 命 賢 染 者 兵民 與 中 否 言 書 威 浩 莫 亦 行 出

生激

成

變

日本

之

(役)

宜姑止之又

江

西

匹厚

卷

= 降 差 明 必 數 白不 官度量大都 音省論記中書即 狱 以實召募水手當從其 年 目 挽 儒宜量民 得 初意本非 号雖 後 東征 不於軍民諸色人戶通行 可觀發失則 TE. 在未晚也世 州縣 カ 操民而 勿 地畝 行之又言 强 以土産 本以革 近 非 袓 所 者浮言胥 以為 晃 欲 建言 矣 侗 所 權勢無并之 民氣 無凡 或又言非 ネ 者多 切 , 數實又因 給 動 曰 稍 熟 阚 蘇 됐 物 是孰否中 失農時 中 之 我 價 書奉 與民 弊 所 取 カ 勘 欲 言 粗 畜 其 備

足日車公

1

榮 糧 千中 ネ 夫 每 宜 丞 要官美 無 集議可行 與 同 可 所 歳 容 僉 居 中書平章政事敏 钁 隠 樞 相 取室女宜罷又言宋 唯 所宜 職件旨罷二十三年 官 客院事尋出 者 バ 解 行之不 欺 有不 頒 行皆 汉 九 珠 可 為 重 從之二十一年或 賄 甘肅 阚 脧 得 剅 文 削 明 者 丹 行 1其昆弟 奏曰 思 諭 百姓為事宜 カロ 省 集 院 言 者為 右 野 小口 近 者 丞 大 故 學 便又言 篟 僧 召 劾 斛 出入官 4 士中 奏 妻 拜 格 族 盧 兩 當 中 奉 省 皆 國

庇 髙 今 罷 司 者 **赀户多為僧** 官受 及 衙 罪 徭 自今調 門 之又 役 其 賕 ス 閒 者 軍 官宜 問 論 冗 站 何人宜皆 格等所容 不急之官 如 諸 如 律 户每 篟 173 追宣 制 歳 均 庇 徒 避 官 凡 费禄 勅 輸 其 吏 有 百 籍 除 非 貴庶 敢 徭 食 名為民又 名 役 宜 如 止令 ス 取 前 4 害 索 百 汉 公叉大 司 奏 賄 貧 賦 民當 集 稅 求 僧 倍 格 都 容 所

加考

覈凡入其黨

者

皆

汰

逐

之

其

出使

之

臣

及

按

察

多

流

移

請

自

奉

古

及

省

部

文

字

敢

私

斂

民

及

《 年

元史

招 軍 皆 集 匠 者 從 太 宗 之二十八年由中 論 如 既 行之江 法 又呼 南 圖 克 民為籍已定乞 書 諾 左丞 延 籍 밨 户之 戜 治命 御 史中 後 依 太 各 丞 參 宗 投 議 彧 所 素 行 母 為 務 太

庫

芨

言

建

寧

路

總管馬

謀

因

捕

盗

延

及平

民

榜

掠

至

死

者

俘

掠

財

迫

通處女受

民

財

積

百

五

十

錠

獄

未

具

會

臣等議馬謀

以 非

罪

殺

人不

在

原

例

宜令

行

뀙

皆

稱

善乞以為

翰

林

學

士

俾

議

朝

政

又

言

行

御

史

臺

院

使

劉

岳臣曾仕宋練達

政

事

其

機

自雲南回臣與省臣閱其伏詞 亂 省 走還京師僧格又遣

語雲南理算錢穀以 閒 默呼反誣祚以罪遣人詣 官孟古岱嘉琿達尼雅 聚闕下率言事以干進國家名器資品 九年或偕御史大夫伊實特穆爾等奏四方 祚于喝達蘇妻子家財並没入官祚至 斯 尚書省告僧 拉鼎默呼奸 罪甚微宜復其妻子 格 贓 贖 髙 僧 尼 其罪 和 雅 格 林 曖 斯 今

白定罪又言昔行御

史臺監察御史周

祚

劾尚

) į

元史

+

審言之當者即議施行或所 與 者明 四月在主 臣等以為中書掘客宜早為銓定應格 語其故使去又言事有是非當否 陳 有 須詰 難條 宜 ,者與之不 具 者 早與 即 詳

老一

實都王巨濟黨比僧

格恣為一

不法

楮幣鈴選

鹽

課

酒

人講究否則罷遣帝嘉納之又奏尼

雅

斯

拉

鼎

默

呼

追逮半於道

路 民至

嫁妻賣女殃及

親 隣

維

揚

慘

故 而

殒其生五 百

餘人近者舍

哩

按

問

更

張變亂之衛命江南

理算

積久逋

赋

期

限

嚴急

骨

按 人禽問者辱之且奪告者以去臣議從行臺選御史 ひく 極者實僧格及其光黨之為也莫不願食其內臣等 問色徹肯仍先奪其職又言行臺官言去歲僧 廉訪司告其三十六事 謝天下從之又言河西人色徹肯領兵為宣慰其吏 此三人者既已伏辜宜令中書省御史臺從公論 首實請死士民乃知聖天子仁愛元元而使之至 檄食事簿問而色徹肯率

使

臣至自上所者或不持聖書口傅聖旨

足日華 全書

此 臣 備 從 耶 京以辯令葉李物故事有不待辯者李淦本儒人 員廉 自 所宜奉行但 之又奏松州達魯喝齊察遜自言不 對 籍人家真偽莫辨臣等請 卿 曰裕噜伊納克巴延 諸司必給印信文書以杜 事宜審行之又奏江南李 訪司 今茂巴爾 徑 白陳 獻又且當有 斯 上聞 徹 自今凡 阚 奸 傳旨至臺特 比當傳音 斯帝曰何人 淦言葉李 使臣 罪 願 理 為 應 縱 必 今 一錢穀官 罪人帝 降 過 晶 | 璽書 别 乃 委用 愆 帝 敢 被 請 崖 悉 爾 盲 省 廟

臺憲司而詣 亦 前古惟於本臺行臺及諸 廣宜 定日車全書 按察司首告已有成憲自僧 而 州又奏諸官吏受赇在朝則計 行臺移治建康其淮東應訪司 一復置應訪司行御史臺舊治揚州 諸司首故爾反覆牵延事久不竟臣謂 道庶訪司首告 格 持國受財者不赴憲 御史臺首 1售治 今楊 淮安宜移 一諸司無 告 在 146 隸 外 宜 南 治

涵

惡

其害已令僧格奏罷之臣

.觀鄂州等九郡

境

教官姓其直言又奏那

州

道

篟

有按察司約

征 受又監察御史托迪實克言女直人嘉琿達去歲 妄言以米千石餉實刺特穆爾軍萬人奏支釣四

耿 可使 任言責閏六月又同御史大夫伊 實特穆 同 涮

言

惟

久一萬三千一百餘

銳運使

張庸嘗獻其妹於阿

吟

錐

問 凡負二萬二千餘銀已徵八千九百餘

熙告河問鹽運司官吏盗官庫錢省臺遣

近

三月中書省臣奏請以或為右丞世祖曰雀 一或不愛

於

令本處應訪司究問與本處行省追償議 罪 從

宜

百

老一百七十三

運 汚 徹 同 源 ソ人 司 阚 麃 不 戚 有 謂 並 法 受財多付商賈鹽計 岱 訪 屬 竉 從之又奏 追徵足日 今伊明伯以事至京宜 河東庶 司 得 阿 倍徵 久居 **哈瑪特既没以** 酒司獨 訪司官浩 之又言伊 課 江 西 以 詹 歸 盗三千 £ 省 直 官 阚 呼 始 該 贓 齊 伯 姆事僧格 以 ソス 鈔二萬二千 就 擅 察 妖 歸 令 縱 百 江 祈 臺 錠宜 詰 盗 西 掛 致 問 賊 魚 復有龍故庸角 位 酌 又言 抻 命臺 訪 集 八百 定 司官珠 奪民田 賢當 罪 楊 省遣 錠 **シ**ス 清 貪 臣 阚 官

芪

Ē

e F

Ĺ

5

Eq.

元史

鞘 臣 格 言色 明 日 國遣 訪 埒點達實密傳旨以江 知為托 其 掊 核江西學糧 斯和希沙斯問 卷一百 **貪酷暴横** 南 奏遣玉在京 有謀 叛 學校大廢 者 伸 師 乗傅 猶 近 敢 往 與

當知 頃 誕 縁 如 之其 此 官 宜 括 商 **亟追還訊問** 函禽以來 三十年或言大都 船 載 遞諸 物 帝曰此惡人也遣之往 致 販 鬻者少米 民食唯 價 翔 者 踴 仰

朕

誑

曼

岱告或常受鄒道源

許宗

師

銀

萬五千兩又其子

等議勿令有司

括

船

為五

便

從之實泉提

舉

張

簡

及子

臣

糴

杖 並 肅 拉氏之家其文曰受命于天 繋 罪 巴宜 政 他 聖皇后至是皇后手以 除名三十一年成宗即位 獄 職 麃 對者為 簡爽死仍籍其家一 訪 不許成宗諭 司案牘 廣袖之視 而今總 之日 To 管 卿 授 女入官奈曼岱 後 辯中書或已書簡等所告 既壽永昌 于成宗或 先是或得玉璽于故 府 岩 對 辭 檢 簡父子所告 劾 避其誰 非 ソス 宜 BP 成 以上之 抗 Y 知 言 宗曰 任憲 皆無 微 皆 徽 臣 驗

訟或不法十餘事有吉就

其妄言笞而遣之十一月御史臺奏大都路總管實 正 支官錢及受贓計五千三百編准律當杖百七不 兄在先朝當有罪還其所籍家產非宜等事成宗 不阿以故人疾之監察御史鄂蘭實則劾奏中丞 陳臺憲諸事皆見於施行於是或居御史臺久又守 臣子 行當時事由小人擅奏耳其改之大徳元年或又 從輕論而成宗欲止權停其職或與御史 20 迪 崔 怒

爾噶朗執不可已而御史又奏或任中丞且十

定四庫全書

月 史大夫圖沁奏世祖聖 都 無隐奏新 察御 滋 岱 久老者已矣少者不學 以雪 史同糾之二年 故來後今而 正朝賀歲常智儀 復 與博果 訓 加柴 然諸 凡 宜 在 禄 大萬安寺成宗曰去歲 遵 籍儒人皆復 大夫平章政事尋與 不至及失儀者殿中 先制 阿哩衮 伊魚 其家今歲 訪 司常 御 司 鄂 カロ

勉

為朕

少留

之閏十二月

無

领侍

儀

司事與太常卿

劉

所宜或遂以病

、辭成宗

諭之日卿之辭

退誠是已

勉

勵

成宗深然之命或

宻

旌

里 ナ六

同

翰

欴

È

e

車

全書 一

元史

月卒至大元年七月贈 三司追封鄭國公諡忠肅 野議特降招係使作成人材以備選舉或以是歲 推 誠履正功臣太傅開 府儀

葉字字太白一字舜玉杭州人少有奇質從學於太學 士義烏施南學補京學生宋景定五年彗出于 葉李

宗下詔 江上宋命

罪已求直言是時世祖 南伐駐 師

道

每兵禦之會憲宗崩世祖

班 師 鄂

111 圍

解

似

道

自

同

柳

理

賈

譴 便 法 詭 ルス 會 病 蘇 僭 道 以為己 似 四車全書 宋亡歸 道 繆司台鼎變亂 民 杭常等郡 用 金 伏闕 人甚中外 大怒知書豪出於李嗾其黨臨 功 飾癬扁 隠富 上書 因 毋敢 教 復 春山江 授 攻 鍛 入相 俱 指議 似道 鋉 紦 不 成 綱 益 應 淮 **| 微鼠漳** 毒害生靈人神 其略曰三光 李 驕 至元十四 行 乃 肆 省 騏 自 同舍生 及宣憲兩 州 顓 似 剙 年世 道 安 舛 置公田 康 尹 眈 共 錯 怒以干 祖 司 劉 宰 駄 棣 命 爭 良 乃 轨 而 關 御 辟 得 貴 之 下 子 自 誣 愆

欽

定

習 書 姜 其 末 衛 有 行臺江南且求遺 前年之師 適 卷一百七十三 有天幸 遊 以李 克 姓名上 成 殿 勲 之 初 即 語 孪 世 攻 授 祖

聞之每 夫 圖 浙 書有云先生在宋 ,拊掌稱數 西道儒學提舉 及是 李 ソス 以 忠言 姓 聞 命 名 讜 欲 聞 遁 論 せ 去 著 祖 稱 而 大 簡 使 倪

者

致

丞!

訓

大

以 五 밂 秩士君子 當 隠 見 隨 時 其 尚 悉 Ü ソス 在 報 帝

今

相

安

授 李 向 此 臣

乃 幡 其

絥 JŁ 再 拜曰 仕 而 得 行 言 夙 z_i

也

殊

不奉詔二十三年 南

·侍御史 程 文 海 奉 搜 江

命 賢

宴 奏 類 良 各 今陛下混一區字偃武修文可不作 李歷 曰 苦且曰卿 更命五日一入議事時各道儒司悉以曠官 阿 道 臣 哩 家薩里館于院中它日 儒學提舉及郡教授實風化所係不宜罪 欽親先帝詔書當創業時軍務繁夥 陳自古帝王得失成敗之由世祖 鄉時訟似道書朕嘗識之更詢 召見香殿勞門 養人才以弘治 首肯賜坐錫 尚 以治道安 起 卿遠 招 致士 李 因

3

日華

公告 >

祖

諭之日此行少致禁李來李既至京

師

劫集賢大學

前 時 提 宻 其 盡 쳈 カ 親 啟曰兵貴奇不贵衆 納 太 舉司專提 戰 徒 暱 學以 而 延 . 費 立馬 뀙 聨 叛 備 踣 大車斷 **以陛下糧** 36 九邊詔李庭 録用 之無不勝 相 調 嚮 學官 其後 語 凡 銄 儒 課 四方 軱 矣命嘉其 以以示 臨 出 P 釋 諸 轉 敵 師 徭 生 仗 人當 不戰 講 輸 役 死 討 思劳臣 之而 乞 ᇑ 明 **y**ス 治 計 逡 謀 彼 道而 管玩 泤 將 切 諭 取 校 請 退 彼 蠲 將 多 我 卻 上其 既 用 免 帥 帝 漢 用 必 親 可 師 其 成: 不 軍 暱 患 凾 奏 設 誰 列

軍 首 御 欽 臣 眷 謝 笑 國 愚 史中 可 知 利 バ 日臣今 使 曰 不足當此 呈 及生民 備 卿 丞 省 魚 足 甋 雖 艱 商 至 問 7 岩 宜 不 任 固當 議中書省 於行心豈 令 監 且 居 察 便 是 臣昔窟瘴 竭 御 宜 職 盡愚衷御史臺總察 不 閘 史 纵、 事 奏 御 可行 秦 李 疏 史 **ン**人 鄉 固 辭 廣 臺 西 耶 素染足疾 視 南 天子 李 E 聴 臣 兩 固 本. 臺 耳目 辭 不 應 中 鸈 得 北 咨 常 歳 稟 許 外 旅 機 荷 因 だ 事 op 劇 務 抬

自是帝益奇李每罷

朝

处

召見論事二十四

年

定

四

庫

全書

-5

丞 李 度 定 周 以 遂 勿 憲得憲封言事會尚書省立 人之人宜 舉 成 辭 復 繩 文具 元 愆 賜 固 太 大小車 辭 糾 鈔 公豈 臣請 付 繆為職苟不 法又請立太學一日 汉 循 謂 法 ,司> 各 格 詔 論 臺 耶 臣資 増 許 尚 條 臣言事各 乘 自 書 格 科 未宜 ٠,١ 係 檢 罪 東入禁 授 以懲欺 於擊 天 退至 許實封 從至 李資善大夫 下 輕 搏 栁 中 重 此 罔 何 帝 朕 制 幸甚又曰 林 仍 有 一可由 日 奏 給 ソン 其 商 尚 扶 煩 日 有 善 書 升 貪 赳 481 是 憲 殿 伊 恘 卿 左

宋 使 之時帝 已歸 砥 好人乘釁而起非國之利 知 可以徒行人才不可以驟 等十人為祭酒等官凡廟 咸有胃學漢唐明主數幸辟 古 聖賢 命 其民安於田里今無 欲徙江南宋宗 行事方略然後賢良輩出膏澤下流唐 室及 也帝大悟事遂寢陛尚 從必訓 故 大姓 學 聞 雍 規 於 制 徙 匪 以德義摩以詩 為 必 兆 條 將 方李乘間 具以 觀美也乃 疑 聞帝 懼 萬 蔗 言 虞 皆

淮 浙 元史 饑

饉

穀

價

騰踢李奏免江

准

書

Ē

日華全書

有

同 帝 租 書 列 威 雖 賜 賏 欲 稅 久 貲 騏 示 伐 之半 丞 ソス 之 之 遠 玉 糜 交 相 李 同 帶 人也 趾 顓 運 鉅 事 萬 獨 擅 湖 召 視 秋一品 ガ 孪 **今山** 廣 狄 國 以 止二十 疾 莫 入議 政 江 得 能 急 路 西 於 請 險 孪 糧墨 有 及 腁 財 艦 南 平 五 曰 還 年 深 利 遐 ナ 匡 江 萬 毒及 揚 正 田 陞 方 會 敵 四千 平章 遠 州 Ð 生 僧 儒 境. 夷 至 學正 民 萬 得 格 畝 政 鎮 事 於 事 敗 Ż 江 李 事 是 無 具 李 蹉 以 淦上 僧 僧 固 頗 跌 益 躼 饑 格 辭 連 格 軍 非 . 為 許 及 傅 所 旅 民

綿 史 陳 政 穆 提 變 郭 光 天 舉 祥 阚 鈔 佑 即 司 法 楊 禍 罷 以 舉 拘學糧徵 居寛 湖 増 御史大夫點德齊 廣 鹽 僧 沙 酒 迫 格為第一 御 布 醋 軍官 史中 鼎 稅 怒 禍 課 官 事 俸 丞 江 地 淮 民 侍御 劉 减 禁 人皆受其 宣自 兵士 穆 近 待言 水 史 舒 程 糧 裁 哩 禍 禍 事 文 錮 立 海 尤 行 治 汉 福 司農 書 建 可痛 杖 非 監 又 侍 罪 大 者 刮 察 御 殺 糸 鈎 御 史

包日車

全書

元史

糧

民

怨

而

盗

發

天

而

震

类

洊

至

尚

賴

皇

帝

言葉李

徒受皇帝

簡

知可為干載

遇

而

淦 諤 宜 月 肵 李 素 勒 斬葉李以謝天下書聞帝矍然曰葉李廉分剛 僧 明 詔 哲 更 知者寧有是耶 格之罪葉李雖 南 張 治省事李上表力解尋卒年五十一李 以 還至臨清帝遣使召之俾為平章政事 凎 政化人皆知 【為江陰 留夢炎孰 有吉 罷 路 教 僧 相 ,優 權刑 格 授 驛 孟 以 召淦 用羣小之罪而 戮未加天下 旌直言帝當問 1. 請京 對夢炎優帝笑 師二十九 往 不 知葉李 往 兵 既 佐 部 年 直 竊 卒 洆 郎 而 朕 相

中

趙

孟

頫

李與

頫

日

ス

南 此 忠 其 甚 義 陽 終當還官也比卒悉表送官一毫不 善炎以 贈 性 多 無 資 而 剛 郡 所 絽 直人 主知 自 徳 可否李舊由諸生力 公 諡 奉甚儉嘗戒其子曰 掄 大夫江浙 不 汝 魁 文 曹 能容而 位宰相 簡 其清慎 等處行中書 朕 而 自 獨愛之也李前後 附贾似道 詆 持 · 勿, 吾 似 世業 道 省 增 病 其 吾 右 儒 過夢炎甚遠 民 丞上護軍追 双 過 誤 自 指 甘 被 貧 國 私 所 伴 賜 .至正八 賜 約 之 食 物 唯 封 物 秋、 曰 以

Z

5

元史

主

燕 孫 母雷氏夢五色巨翼入韓遂生公 公 楠 燕 字國材南康之建昌人宋禮 公 楠 部 楠 十歲能 侍 郎 肅 屬 之 七 文 世 居

灾

麦一百七十三

,喪廬墓三年再貢于鄉

不第後

以

連

帥

辟

五

遷

至

通

二十二年夏召至上都奏對稱旨世祖

賜名賽音囊嘉

命參大政辭

乞補

外除飲江浙行中書省事俄移

贛

贛

州事至元十三年世

祖

既

平江南

帥

臣

版

授

同

知

州事十四年以平廣

南

功遷同知吉州

路

總

管

府

未 舍 盡 舉弊續用大著劾江西營田使 五年 哩 年 去 祖 竒 拜江淮行中書省 悅 民 除 會欲 阚 不堪命公 大司農領八道 濟 易 觞 史 政 府 弼 楠 . 赴 徐 大 参 勸農營田 琰 闕 臣 趙 極 以 知 琪 問 政 陳 陳 事 沙 公 其 僧 司 天 楠 故 布 請 事 祥等十人 格 鼎 公 楠 既 貪 按 更 薦巴 昳 行 張 横 元罪 而蠹 郡 以 又 固 延 縣 問 國 政 布

多

閒

田

公楠

請

置兩

淮屯田勘導有方

田

日

以墾

尚書省立就

在宋為邊

欽

定

車

全書一

主

9 !

政 事固辭改江浙行中書省參知政事 行省右丞釐 百貫帛千五百匹麻絲二千七百斤元貞元年 哲 可以為首 八百六十二頃歲出栗十五萬一千一百斛 人以行三十年復為大司農得藏匿公私田六萬 可 明 日拜諤勒哲為丞相以公楠及布呼為平章 相 對日人望所 正鹽法民便之召入覲成宗以 屬莫若安圖 丞明年遷湖 賜号矢及衛士 問其次日 一到二千 公楠 釓 諤

臣慰勞良至改拜江浙行省右

廣

侍 馬紹字子卿齊州金鄉人從上黨張播學丞相安圖入 卒帝聞甚傷悼之轉贈有加特命朝臣護喪南歸 放元以紹應詔授左右司都事出知單州民刻 世祖奏言宜得儒士講論經史以資見聞平章政事 馬約 占 頌

右丞轉運司判官唐申家元州豪横奪民田武昌

權殺主簿經察其妻子悉正其罪五年召還朝尋

德至元十年 魚山東東西道提刑按察司事益都寧海

定日車至書一元史

Ė

幾 相 河 年 間 欲置之重典 百人二十年 約 民 復為 管 李 行屬 鉖 賴 移 栗 召至京 以安十九年記 刑 江淮 住妄言惑衆 販之十三年移 部 統言 尚書二十四年分立尚 師 然議中書省事二十二年改兵 甫定選官 為 物 刑 謀 部 割 情 抽治選 為 尚 隆 俱 僉 書萬億庫吏盗 ス 輕 與為東宮分地皇 河北 軌 宜 紹 從 同 河南道提 貸 被 知 書 减 檄 和 省 按 州 乃 擢 決 紙 問 路 刑 部 太子 總管 拜 杖 四 按 所 兩 參 幺 釋 察 書 時 活 府 司

有 何 用 與 可宗親海都作 使 兵罪之懼失將士心所支踰 過支原米者有司以聞帝欲究問加 詔書違乎璠得免俄拜尚書左及 敢 .璠言至元鈔公私非便平章政事僧格 言言可采用之不可采亦不之罪令重罪之豈不 沮吾鈔法耶欲當以重罪紹從容言曰國家導 亂 其民來歸者七十餘萬散 數者當嗣年之數可 親 罪紹言方邊 王戍邊其士卒 怒日 居雲 杜 璠

Þ

A ALS

. 元史

三五

事

中統鈔五千経時更印至元鈔前

信州三務

之 間 最 路 聖 土 處生疾疫若恐 惜 帝 總 裁 則 克 格 管三十人尊之入見 漢人欲令餒 哉 23 未 日 <u>/</u>! 如 議 紹 歸 財 徒之内 紹 者 退至 賦 言 辨 孰 一省追 不 集 以 餒 地就 死此 欣 聞 非 慕 死 帝 録 民 曷 革 食 言 聖 カ 日馬秀才 若計口給羊 絽 欲 有 耶 訓 困 T 持 絽 異 付 竭 汉 趣 徐 不可僧 同 太史書之議 必 ス 所 丞 曰 辦 言是 南 能 財 相 土 馬之資俾還 格 何 纵 賦 地 怒曰 之多 也 朕 以 燠 僧 怒 増 之 為 馬 北 府 寡 鹽 格 為 宜 左 集 庫 課 本 居 丞 豈 誻 取 絽 殿

之 省 不 勢 斂 分 紹 罷 猫 至今日之禍 之 數 絽 カ爭 因 改中書 福 無 辭 取 倍 為 紹 以 亦 日 山東課不可增 速 名 紹 2 不 左 足也事 有 僧 罪 火人 局帝曰馬 丞 戻僧 格 非 以一區 居 オ 既 敗 再 遂 居 格 授 議 歳 左 乃 敗 政 寝 都 丞忠 府 增賦 移 絽 日 跡 使 疾還家元貞元年選中 其 紹 恒 城 吾早 潔 憂 所 獨 種 絽 嘗行 可尚 不能 不 首 日茍 信 着 取 其 馬 不節浮 胳 僧 塞 地 查责 復 者 左 格 分 索 篟 誰 丞 欲 給 之言 奏請 其籍 瓣 居 費 敢 徼 民 權 閱 必 非 赐

ŗ

Ę


Э

Þ

全書 人

元史

主六



一大 崔 斌 斌 除 年事宋史李芾傅潭以宋德祐元年十月 傅十二年十年圍 一件十一年 十月屬之上文十一年考諸傅元師圍潭州係 書巴延以十一年為右丞 作 夕城陷德祐元年即至元十二年也今據 十年考世祖本紀及巴延傳續通鑑 5 • 諂 丞 相 潭 巴延總兵南征 州 按 相 原刻無十二年三字 總兵代宋今據改 按十一年原 經世大典 被 改 圍 至

史卷一百七十三考

との草

~

崔 李 斌 南 三年 行 傅 在 披 省 傅 下 ₽p ナ 於 原 杳 他 十三年奉旨 三年 嶺 刻 殿 潭 日 海 名 作 尐 # + 見 名 本 亦 ンス 尚 惟 杳 治 紀 香 年 殿 為 之是 撫 + 考世 殿 宋 四 諭 有 年 也 见 按 香 岩 袓 於 何 どく 西尋命還 廣 本 殿 由 ナ ー 紀 傅 西二 遣 原 紀 使 年 及 仐 刻 + 各 畫 作 撫 則 傅 諭 湖 是 四 披 片 郡 败 杏 仐 亢 殿 歸 師 湖 改 南 定 考 附 被 尚 建 元 勈

Æ

廣

治

南

能 育 尺 姚 欽定四庫全書 衛要卷六千五百五十三 史部 堪楊與馳書止之曰燧令器也長自有成爾何以急 於伯父樞 燧字端甫世系見燧伯父樞傳父格燧生三歲 とり見 列 元史卷一百七十四 傳第六十一 姚 明翰林學士亞中大夫知制語無修國史宋濂等修 燧 45 極隱居蘇門謂燧蒙暗教督之甚急燧 而 不 狐

滥 風 弗 長 為 之與 也使盗 有 稍 是也二十四始讀韓 安 時未嘗為文視流輩所 就 許 能一世之名 非 Æ 瓣 世得之亦将, 其 於 以女年十三見 衡 人 而 衡 や將 亦賞其 祭 拒 之鈞 待 酒 何 之文章固 退之文試習為之人謂 教貴胄奏召舊弟子十二人緣 以 應人之見役者哉 辭 罪 許 衡 且 作 也 戒 惟見其不 非 於蘇門十八始受學於 發 之日弓矢為 周 身 閩 士子 斯 如古人 世之道也 之、 非 其 利 物 有 器 則 バ 作 待 至 纵、 礽

八年、衡

以國子

興 授 ナ 以 自 招 年 學 秦王命 為 誤 王立 奉議大夫無提舉陝西四川 太原 翰 賬 皆縱釋之人服 除 於合州 民孜孜如弗及二十三年自 陜 林直學士二十七年 驛 安 西漢中道 致 輯庸蜀明年漢嘉新 (館下燧年三十八始為秦王府文學未 又明 提 年 其 刑 明 撫 按 決 循 調山南 察司 夔府凡三使蜀 授 大司農 中興等路學校十二年 附入諭 副 湖 使 湖 丞 録 北 JŁ 亢 奉 道 囚延安逮 其民又奉 貞 旨 按 皆 元年 趨 部 稱 朝 澧 膱 州 明

年

欴

定日

車

全書一人

元史

庶 翰 訪 至大元年仁宗居 林 學士召 使 高道疑總裁之書成大德五年授中憲大夫江 移 病太平九年拜中奉大夫江西行 修世祖實 藩 銀卷 邸 開宮師 初置 檢 府燧年已七十造 閱官究覈故事燧 省 愁 知 東 政 正

字

呂

洙

如

漢徴

四皓故事

起燧為太子寡客未幾除

承

學士尋拜太子少傅武宗

面

諭

燧

燧拜

辭

謝

日昔

臣

伯

極當除是官尚不敢

拜臣何敢受明

年

授祭

禄

翰

學士承古知制

語無修國史四年得

吉南

首 回 攺 略曰其一建安二十五年徽本作 熹 統 六盆 元 離 凡例之後復取 逐年不能一覽而得其離合之緊至告 以 在 承音召 合表若干卷年經而國緯之如史 日文燧先在蘇門山時讀通 興廢存亡之際 1.改元延 明 年復召燧以 徽 康其二章武三年徽本大書 建二本校響得三誤馬序於 ゾス 前為正當從建 病 俱不赴卒于家年七 延康元年凡例 鑑 綱 記 目當病 本 病江東 諸 於 表 建 將 國 中 表 統 附

二十五年下注

灾

足习事

全書 一

元史

章武之距 年 也 皆 其三天實十五載 開 建 六卷凡曰後主者皆失於刋正也當 日 為無 元三者 興元年明年大書帝禪建興二年庶 後 主 一禪; 主於君臣父子之 始當大書二載上加肅宗皇帝至 建與幾三年耳處有帝父主子之異豈不 建興元年 釣失而建安之取至德之去 建本 注肅 -無三年 宗皇帝至徳元載 教 所害甚大是起十四卷 刐 眳 於三年下注 烈 統 為無終 前 徳 固 明 後 使 在 年 無 业 惟 齟 徽 市 於 岩 同 盡 建 曰

彼 知 知 祐 狼 之讀 厲 反 大有 而 以 有 前 思 躬實践為世名儒為文閱 春容盛大有西漢 聞鼓缶者乎然文章以道輕 班孟堅者出表古今人物九品 文章大匠莫能先之或謂 而 關乎詳見序篇越之學有得於許衡由 能向句而得其意者猶寡燧 風宋末弊習為之一變蓋 肆該洽豪而 世無 重道以 中 曰 知 处以 隧 世 文章 者 不宕 固 有厭 曰 窮 当 剛 自 惟 而 延

陽子

則為去聖賢

也有級而

不遠其文雖

無

Э

Ď

7 dua | 17/

美 時 得 知 堷 韵 名畫五十篚威 求 又 也 燧 者 孝 ス 灾 每 時 燧 稍 害 所 子 E 為 髙 厍 詩 廣 書 順 於 每 置 刍 文燧 猺 行 麗 愧 燕 瀋陽王父子 後 來 **恥故三十年** 欲 靳 豈 樂 謁文必其行業可嘉然 發 陳 燧 揮 ス 有一言 致 與 則 其 為 先德必得 燧 至 まし 奉 連 燧 之喜 蕳 幾乎古 百 姻帝室 即 占 國 時 乃 而 朝 20 名 '燧文始 分 與 援 而 之王 散 傾 筆 臣 不 諸 大書 後 貲 世 聞 屬官 贈 結 許 勲 可 之 謝 朝 可 傅 否 顯 將 行 及 辭 則 幣 臣 信 來 史 帛 弗 無 盛 其 乎 易 胥 溢 徳 當 日 金 不

郭 牧 輕 問 南 大 貫字安道保定人以才行見 康 庵文集五十卷行于世子三燻 朝 之燧 從止 視 郭 路 不以 趙 經歷 留 貫 曰 孟 彼 頫 是為意其器識豪邁過人類 金 摧 藩 元明善輩故 銀 廣西道提刑 付翰 那 .1. 画 林院為公用器皿處 唯 以貨利為重 君子以是少之平生所著有 按 推 察司判官 擇為 圻 城 樞 吾 如 會 家 能 此 中 無 例 紙 輕 書 之使 格 所 頗 恃 授 椽 取 濟 知 調 オ

r

E 9

Þ

全書 ~

元史

惠 萬 道 政 南 草 害 奉 政 里不 言 路 入為 麗十一年召為河東廣 詔 今四省軍 民三十年愈 經 地 毛之地 劾 j 與 歷 至元二十七年 遼陽行省平章政事 御史臺都事八年選集 准 西宣慰使昂吉 六馬, 無 湖 益 バ 數萬 於 南 刯 肅 五年遷 拜 計 政 訪 庶 監 爾父子專權 征八百娘 副 博 訪 察 賢待 7江西道 司事. 斯呼 御史 使至大二年 大徳 徹 制 婦 承詔分江北 爾 進 賑 画 久不 特 翰 初 恤 深 饑 遷 遷 林 入炎 穆 宗 民 湖 調 直 蒯 漳 學 有 蠹 往 沿

路農事 欽 集 年 定四 賢 士明 尚 擢 書帝 大學士五年 淮 庫 延 年出為淮 西 全書 魚 祐二年召 親書其官階曰嘉議大夫以 訪使尋留 不遣 除 西廉訪 太子詹 拜中書參知政 元史 使 /改侍御 事貫言皇 建言宜置常平倉 事 史 太 俄 授 明 子 年 遷 有司皇慶 受 翰 陞 金寶 考 林 左 校 侍 丞 講 元 各 カロ

織

文幣入為吏部考

功郎

遂

)拜治書侍御

史四年

除

禮

政

左

右

對

日旨副

使郭貫之教

也因賜貫

瑪

瑙

數

珠

金

臺

山

貫

進見仁宗

因

問

庶

訪

使

穆爾濟達

勿以

有

善

子賓客 出 年 仕泰定元年遷翰林學士承旨不起至順二年以疾 三年宜行冊禮又輔導之官早宜選置從之六年加太 瓜 八其手 蔡國公益文憲貫博學精於家福當世冊 八十有二贈光禄大夫河南行省平章政事 佳之奇字士常其先出女真瓜爾 瓜 高告還家至治元年復起為集賢大學士尋 阚 住之奇 佳 部 寶碑額 後由瑪奇 柱國 卒 致 29 追

阚

劚 宋 事 連坐會御史臺立權之奇發江南浙西道提刑按察 使最其財用而之奇職文書亦被按問張引 授行省左右司都事時行省官與中書權 因受業於康睡授濟寧教授辟中書省 薩哈水徒家於滕州之奇少而孤舅杜氏攜之至東 使者言瓜爾佳都事素公清若少有侵漁弘範當 而移血工北淮東至元十九年召為吏部郎 椽大兵南 臣 範率其 有隙

立

5

ALIO T

陟降澄汰之法著為令式歲大旱有司議平穀價以

運 ソス 時 遏 坞 自 司 氣 騰 路 裕 救 發 輸 宗為皇太子每進見必賜 併 **拜災變而有豊稔之期二十一年遷左對善大** 涌之患之奇言莫若省 月台書 法益國 之不 徳 為 趟 為伏責 暇 職 詔集 條 賦 义 者處提 具時政十事上之皇太子一曰正心 安 任匪 潭臣 能 縋 輕 芨 議之之奇言按 糾 岩 刑 使 + + 10 他人哉併之弗 按 經 察 坐顔 費 理 司 财 輟 剔心 遇甚優 土木之役 撓 其事請 勞 察司者 事 便事遂寢 權 冗將 庶足 令與 臣 控 有 夫 制 轉 弱 欲 召

劉 為 尚 士 大體而不忽細微為政阜阜可稱 曰 **慶字熙載名水人五世祖** 改吏部侍郎遂拜侍御史二十五年丁母憂以吏 不及為文章尤簡嚴有法多傳於世云 劉 起復屢請終制不許明 友 賡 九曰定律十曰正名會皇太子费除翰林 親三曰崇儉 四日幾諫五日戰兵六日親 逸以郡吏治獄 年卒之奇處識精審 雖老於吏學者自 有 陰徳 明

定四事金

書

考 待 丞崔或好威氣待人他御史 拜謁或平受之獨見廣 林 肅 西 元十三年用薦者授國史院編修官十六年遷應奉 由侍 文字辟為司徒府長史仍無應奉補外同 學士尋拜侍御史頃之選翰林為學士承旨無國 為右三部尚書廣幼有文名師事翰林學士王磐 滿雅太廟署丞太常博士拜監察御史是時御史中 以上客大德二年陞翰林直學士七年奉使宣撫 講學士陞學士至大二年遷禮部尚書仍無 知徳州 事 則 翰

子

卷一

尊號廣獨抗言其不可事遂已天歷元年卒年八十一 尋又入翰林為承旨泰定元年加光 復為承吉六年拜太子賓客七年復入集賢為大學士 也皇慶元年遷集賢大學士仍無國子祭酒延 人朝廷反先用之自是六館之士皆知讓之為美德 生親老且貧同舍生有名在前者因博士以告曰我 **购少請讓之先廣日讓德之恭也從其讓别為書薦** 酒國學故事伴讀生以次出補吏莫不爭先出時 禄大夫會 九祐元年

文 E 日 巨 企 馬

元史

廣久典文翰當時大製作多出其手以者年宿德為 耶 廷 所 律有尚字伯强遼東丹王十世孫祖父在金世當官 推 耶 重云 律 A 有 尚 卷一百七十四

于東平因家馬有尚資識絕人寫志于學受業許衡

辭

稱

令動中規矩識與不識莫不服其為有道之君子

高第弟子其學逐於性理而尤以誠為本儀容

衡罷中書左及除集賢大學士無國子祭

酒

院 其 足以繼衡者除國子司業時學館未建 長史自有尚既去而國學事頗廢廷議以 知薊 嗣 屋 人之子弟乃奏以門人十二人為齊長以伴讀 一也十年衡告免還鄉里朝 其學事居久之拜監察御史不赴 有尚屢以為言二十四年朝 州為政以寬簡得民情裕宗在東宮召為詹 廷乃以 廷 乃 師弟子皆 除 大 有尚等為 起 謂 秘 一書監丞 學舍 非 有 寓 助

立

國子監立監官而

增廣弟子員於是有

尚

陞

國子

定四庫全書

燕 卿 稪 儒 義 國 儒 凡 以安車召之于家累辭不九復起為的文 又遷集賢學士八年葬父還鄉里已而 召為國子祭酒尋除集賢學士兼其職 點之是以諸生知趨正學崇正道以經術為尊以 文 理為本而省察必真切以恭 子 風為之不振二十七年以親老辭職歸大德改 詞之小技綴緝 祭酒暗中奉大夫有尚前後五居 雕 刻足以破裂聖人之大道 敬為先而践 國學 朝 頃之選太常 廷思用 館 履处 其立 大學士 端 教

老

元

楮 五 郝 猶 父 路軍民萬户天挺英爽剛直有志略受業於遺山元 而勤 各尚巴圖爾太宗憲宗之世多著武功為河東行省 幣七千編即其家賜之卒年八十六賜諡文正 行為務悉為成德達材之士大抵其教法壹遵衡之 天挺字繼先出於都增别族自曾祖而上居安 如昔之宗衡也有尚既以年老力請還家朝 郝 八天挺 子佑 謹有加馬身為學者師表者數十年海内宗之 附 廷復 肅 頒

)

Ē

F 410

元史

漢 遂 執 好 中 文字 中 除 問 參議雲南行尚書省事尋陛參知政事 道 丞 陳 以 熟臣子世祖 廉訪使未幾入為吏部尚 備 又遷四川行省參 明 右 丞 宿衛春宮裕宗遇之甚厚建省雲 允 特 與宰相 聪 黄 金百 召 論 見嘉其容止有音宜 事 政 兩 有 及 不受帝日 ス 江 合 書尋除 軱 浙 行 面 非 省 斥 難 左丞 陜 利 之一日以 南 又 任 西 汝也第 俱 選官 行 擢 火 御 唊 政 ス 俾 奏 赴 屬 旌 西

灾

巷

肯言耳成宗朔仁宗以太后命首定大

及武宗

還

놑 名 欽 拜御史中丞入見首陳紀 省之弊遂成皇慶之治又出為江西河南二省 定四庫全書 在擊奸猶隱楊馬禽之弱者易獲也其力大者必 既 力 出臺臣皆以為賀風 召 不 故老天挺與少保 浮費止括田久任使論 然不惟失其前禽 卷元 一 吏 百 紦 張問等十人共議大政革 仍或有傷隱之患矣帝 網之要以 大振又上疏 好事獎農務 雅為喻曰 陳七事曰惜 本 勵 學 御 右 借 丞 史

七十四

朔方遂入正大統定策之際天挺與

有力馬仁宗

事 鲁 又 大 政 大受 註 行皇慶二年卒年六十七贈 事 柱 卜台 唐 画 時 中書省舉行之尋俾均逸于外拜河南行省平章 知 申 人鼓吹集一十卷行于世子佑字君 追 河南王布琳濟達為丞相待以 宿 封冀國公益文定天挺當修雲南實録 遇遷陕西行省参 衛 補 官仁宗時 拜 知 政 殿中侍御 光禄大夫中書平章政 事拜陕西行御 師 一禮由是 史以 輔 庶 小字 直 史 五 政 著 圖 卷 化

隆 安父之純為東平萬户府参議夜夢謁孔子廟 孔孫字夢符其先出遼之鳥舍部為金人所并遂遷 孔 得 赐

省 文學名群萬户府議事官萬户嚴忠範之兄為陕西 嘗召樂師至日月山觀之至是徐世 流寓東平舊章缺落止存登歌一章而已世祖居平章政事聘孔孫以母老不應時汴梁既下太常 果已而孔孫生因丐名於行聖公遂名今名 隆奏帝宜 既 増 長以

樂

潛

行

三日東 全書

尋 おし 郎 憲 宫 孔 俾 孫 居 猺 縣及文武二舞以 陞 出為南京總管府判官時方議下襄樊 得 以奉禮郎為之副以董樂 謂 政府辟為禄及安圖 湖 効戦 北道 今以越境私販坐 提 贖 刑 死 朝 按察 備 論 副 采 大 為 ·之欽四 罪者 典因 使 百 行 相 師 部巴陵 動以千數宜 詔 尤禮重之授户部員)1] 肆 徐 世 道 成 提 獻之 隆為 有 囚三百 刑 朝 廷 京 太常 按 開 師 察 急 自 庶 用 司 新 卿 希 事 兵 因 而

襲乙建言興銀利

發其

墳

墓

而

焼其

家燒

死

者三人

名 禮 瑪 刑 有 史臺 特 部 猺 司 侍 年 シス 察 顓 二人恬守故常終 以 郎尋陛 提 所 副 真 政 事至元二十二年 使 刑 没 十年親故 圖 蹏 桉 改 財 察司 糴 同 孔 殺人坐之 知 栗五千斛 猺 改 迎 禮 保 肅 始 合 定 部 者 如 安 路 政 尚 孔 庶 書 總 賬 __ 往 圖 孫 八管 饑 訪 73 往 擢 復 原 入相 民 司 除 淵 驟 府 其 宣 拜 仍 南 據 事 情 言于 為 吏 俄 儉 提 顯 減 部 拜 使 位 罪 河 刑 侍 遷 尚 南 帝 蒞 按 獨 、書, 御 察 浙西 治 劉 曰 江 扎 史 于 使 31 宣 阿 行 張 黔

於

Ē

日車

幺

書

十四

商 之 擢 議 河 誣 和 中 省 隄 伏 淮 阚 書 為 三百餘 事亡何 東 略 果 省事弘 斯 道 强 曰 肅 蠻 盗平反之召 可為 夷諸國 里于太 政漁 除 大 相 相 訪 名 會 諤 不 地震 后 司 路巷 勒 者 哲卒 數 可 選 使 總管無府尹 窮 即 因 賜 詔 拜 上章謂 兵速討 36 赦 集 繺 問 孫 ·賢大學· 孫與陳天以 獻 濫官 大興 鹭 宜 悉 士中 民 寶貨不可 學 還 放 祥 尹 孔 上 譴 孫 奉 執 細 校 封 中 民 大 有 傺 不 事 夫 從 對

任

用

賞善

一哥惡不

可

宥

圖 増 儉 カロ 廟 2 給官吏俸禄修建京師廟 郡 一官丁憂服 帝嘉納之賜鈔五千貫又累疏言凡七十致 延 洒 之職必當遊選久任達魯噶齊宜量 官冗吏繁不可不為 掃 和 供 爾果 Þ 佛 相 無 斯 位宜參用 益不 **関者宜待起復宿** 與無希憲等各宜 可虚 儒 裁減太廟 費 臣不可專任 學設國子生 財 用上下豪 衛之冒濫 贈 神 主不 諡 久之請 文 徒 カロ 侈 遷轉又 出者必當 吏 不可不 給 可不 賜 故 仕 者 備 曲 宜 革 宜 祭

飲

定

四車

全書

T

十五

家 觀 大徳十一年卒年七十有五孔孫素以文學名 工畫山水竹石而騎射尤 者士論服 拜翰 元史卷一百七十四 林學士承肯資善大夫致仕集賢大學士如 之 精及 其立朝 切謹言嘉論有以文學名且善 琴

